

Mensahe 2

Nagkat-on sa Sekreto sa Paghimo sa Tanang Butang diha ni Cristo nga Maoy Naggahom aron Magkinabuhi Ta ni Cristo, Magpadako ni Cristo, ug Makabaton ni Cristo aron Mahimaya Siya diha sa Iglesia

Basahong Kasulatan: Fil. 1:19-21a; 2:2; 3:14; 4:6-8, 11-13

I. Nakat-onan na ni Pablo ang sekreto sa paghimo sa tanang butang diha ni Cristo nga maoy naggahom—Fil. 4:11b-13:

- A. Ang pamulong *nakat-onan ang sekreto* nagpakita nga naa si Pablo sa bag-ong sitwasyon, bag-ong palibot; ibutang ngani ta sa bag-ong palibot, kat-onan gyod nato ang sekreto nga magkinabuhi nianang palibota.
- B. Sa linetra, ang *nakat-onan na nako ang sekreto* nagpasabot og “gipasugod na ko;” nagpasabot ang pasumbingay dinhi sa pagpaentrag tawo sa sekretong katilingban nga tinudloan sa panugdang mga prinsipyo niini.
- C. Sa nakabig na si Pablo ngadto ni Cristo, gipasulod siya ngadto ni Cristo ug ngadto sa Lawas ni Cristo; nakat-onan dayon niya ang sekreto sa paghimo kang Cristo nga iyang kinabuhi (Col. 3:4), sa pagkinabuhi kang Cristo (Fil. 1:21a), sa pagpadako kang Cristo (v. 20), sa pagpakabaton kang Cristo (3:8, 12), ug sa pagkinabuhi sa iglesiahang kinabuhi (1:8, 19; 2:1-4, 19-20; 4:1-3).

II. Ang mga magtutuo mao ang mga tinun-an, mga magtutuon, nga nagkat-on sa sekreto, nga mao ang pagkat-on kang Cristo maingon nga naa ni Jesus ang realidad sa pagpagiya nila sa Espiritu sa realidad ngadto sa tanang realidad sa aktwal nga kahimtang sa kinabuhi ni Jesus ingon sa nasulat sa upat ka Ebanghelyo, sa kinabuhi nga niini nagbuhat si Jesus sa tanan diha sa Dios, uban sa Dios, ug alang sa Dios; naa sa Iyang pagkinabuhi ang Dios, ug nausa Siya sa Dios—Juan 16:13; Efe. 4:20-21:

- A. Gihimong tinun-an ang mga magsusunod ni Cristo pinaagi sa pagkinabuhi ni Cristo isip tawo dinhi sa yuta ingon nga sumbanan sa Dios-tawo—nagkinabuhi sa Dios sa pagdumili Niya sa Iyang Kaugalingon diha sa Iyang pagka-tawo (Juan 5:19, 30), nag-usab sa ilang hunahuna kalabot sa tawo (Fil. 3:10; 1:21a).
- B. Kay gikinabuhi man ni Cristo ang Dios sa pagdumili Niya sa Iyang Kaugalingon diha sa Iyang pagka-tawo, “nakat-on Siya sa pagsugot tungod sa mga butang nga Iyang giantos” (Heb. 5:8), “nagmasinugtanon bisan ngadto sa kamatayon, ug kana sa kamatayon sa krus” (Fil. 2:8).
- C. Nakat-on ta ni Cristo (Mat. 11:29) segun sa Iyang panig-ingnan, dili pinaagi sa atong natural nga kinabuhi kondili sa Iyang kinabuhi diha sa pagkabanhaw, nga kinabuhi sa pagsugot; ang tinun-an tawo nga nagkinabuhi sa diosnong kinabuhi diha sa iyang tawhanong kinabuhi.
- D. “Naa ko sa pahiuli, naniid giunsa paggawi ni Brother Watchman Nee sa napulog walo ka tuig. Naghimo nakong tinun-an ang tanang napanid-an nako kaniya” (*The Collected Works of Witness Lee, 1994–1997, vol. 5, “The Vital Groups,” p. 76*).
- E. Isip mga tinun-an sa Ginoo, mga magtutuon Niya, sige tang gibansay Niya isip grasya sa Dios, nga nipakita sab kanato ingon nga “kalulot ug gugma sa atong Manluluwas nga Dios sa tawo”; “nagbansay nato [kining grasyaha] nga, sa pagdumili sa pagkadili-diosnon ug kalibotanong mga kailibgon, ligdong ug matarong ug diosnon gyod tang magkinabuhi karong panahona, nga nagpaabot sa bulahang paglaom, bisan sa pagpadayag sa himaya sa atong dakong Dios ug Manluluwas, nga si Jesucristo”—Tito 3:4; 2:11-13.

- F. Kay mga tinun-an man sa Ginoo ang mga sister sa iglesiahang kinabuhi, ma-
usa gyod unta sa Ginoo ang gulanggulang nga mga sister aron bansayon nila
ang batan-ong mga sister “sa paghigugma sa ilang bana, sa paghigugma sa ilang
mga anak, magmatin-aw og hunahuna, putli, manggibuhaton sa panimalay,
maayo, nagpasakop sa kaugalingon nilang bana, aron dili mapasipad-an ang
pulong sa Dios”—2:3-5.
- G. Isip mga tinun-an sa Ginoo, mosugot gyod ta sa pulong sa Ginoo nga “lakaw
ug tun-i kon unsay buot ipasabot niini”; nagtinguha ang Dios nga maluoy sa
makaluluoyng mga makasasala, busa gusto Siyang maluoy ta sa uban diha sa
gugma—Mat. 9:12-13; Miq. 6:6-8; Mar. 12:33.

III. Ang sekreto sa Filipos 4 paghimo man sa tanang butang diha ni Cristo nga naggahom nato—v. 13; *Mga Alawiton, #564*:

- A. Tawo si Pablo nga naa ni Cristo (2 Cor. 12:2a), ug nagtinguha siya nga makaplagnan
sa uban diha ni Cristo; gipahayag niya sa Filipos 4:13 nga makahimo siya sa
tanang butang diha Niya, ni Cristo mismo nga naggahom niya; malangkobon-
sa-tanan ug panghinapos nga pamulong kini kalabot sa pagsinati niya ni Cristo;
kini ang pikas nga bahin sa pulong sa Ginoo sa Juan 15:5 kalabot sa organicong
relasyon nato Kaniya, “Bulag Kanako wala moy arang mahimo.”
- B. Hingpit gyong naa si Pablo kanhi sa Judiohanong relihiyon ubos sa kasugoan
ug kanunayng nakaplagnan sa uban diha sa kasugoan, apan sa pagkakabig niya
nabalhin siya gikan sa kasugoan ug sa kanhing relihiyon niya ngadto ni Cristo
ug nahimong “tawo nga naa ni Cristo”—2 Cor. 12:2a.
- C. Karon naglaom siya nga makaplagnan diha ni Cristo sa tanang naniid niya; nag-
pakita kini nga nagtinguha siya nga mahumol diha ni Cristo ug masuropan
Niya ang tibuok niyang pagkatawo aron makaplagnan siya sa tanang naniid niya
nga hingpit gyod siyang naa ni Cristo; sa diha lang makaplagnan ta diha ni Cristo
nga mapadayag ug mapadako Siya—Fil. 3:9a; 1:20.
- D. Sa usa ka bahin, tungod sa paggahom ni Cristo makakinabuhi ta sa kontentong
kinabuhi (4:11-12); sa laing bahin, tungod sa paggahom ni Cristo mahimo tang
tinuod, halangdon, matarong, putli, hiligugmaon, ug dinayeg (v. 8).
- E. Ang pulong ni Pablo kalabot ni Cristo nga maoy naggahom labi gyong maaplikar
sa paggahom ni Cristo kanato aron ikinabuhi nato Siya isip tawhanong maayong
kagawian nato ug sa ingon niana mapadako Siya diha sa walay kinutobang
pagkadako Niya; ang pagkinabuhi ning maayong kagawian labi pa kaayo kalisod
kaysa pagbuhay og Cristohanong buhat.

IV. Makita sa Filipos 4:6-7 ang praktikal nga paagi sa paghimo sa tanang bu- tang diha ni Cristo nga maoy naggahom: “Ayaw kabalaka sa bisan unsa, hinunua sa tanang butang, ipahibalo lang pinaagi sa pag-ampo ug pag- pangamuyo uban sa pagpasalamat, ang inyong mga hangyo sa Dios; ug ang kalinaw sa Dios, nga labaw sa tanang pagpanabot sa tawo, magbantay sa inyong kasingkasing ug sa inyong mga hunahuna diha ni Cristo Jesus”:

- A. Si Cristo mismo ang kalinaw sa Dios, nga labaw sa tanang pagpanabot sa tawo—
Isa. 9:6; Juan 14:27; Luc. 7:50; Rom. 3:17; 5:1; 8:6; 15:13; 16:20.
- B. Nagpasabot ang *sa Dios* og lihok paingon sa, sa kahulogan sa buhing pagkahiusa
ug pakigsultianay, nga nagpasabot og pakig-ambitay; busa, ang kahulogan sa *sa
Dios* dinhi mao ang “naa sa pakig-ambitay sa Dios”—Fil. 4:6.
- C. Ang resulta sa pagpakig-ambitay nato sa Dios diha sa pag-ampo mao nga mapa-
himuslan nato ang Iyang kalinaw; sa pagkatinuod ang kalinaw sa Dios mao ang
Dios nga kalinaw (v. 9) nga gipatuhop kanato sa pagpakig-ambitay nato Kaniya

sa pag-ampo, isip pangontra sa mga kasamok ug tambal-igsumpo sa kabalaka (Juan 16:33).

- D. Nagpatrolya ang Dios sa kalinaw atubangan sa atong kasingkasing ug mga hunahuna diha ni Cristo, nagpakalma ug naghimo natong malinawon (itandi sa Isa. 30:15a); kon buot tang magkinabuhi nga walay kabalaka, kinahanglan makaamgo ta nga gitudlo sa Dios kanato ang tanan natong sirkumstansya, maayo ba o daotan, aron mosilbi nato sa pagtuman sa atong palad nga makabaton ni Cristo, magkinabuhi ni Cristo, ug magpadako ni Cristo (Rom. 8:28-30; Mat. 10:29-31; 2 Cor. 4:15-18).

V. Ang makat-on sa sekreto sa paghimo sa tanang butang diha ni Cristo nga maoy naggahom mao ang “mag-ampo nga nakig-ambitay ni Jesus,” nga atong Hari, Ginoo, Ulo, ug Bana (*Mga Alawiton, #784*); ang pag-ampo nga nikontak sa Dios hinimo man sa mga pulong nga matinud-anon ug kinasingkasing nga gipamulong:

- A. Naa tingali ta sa sitwasyon sa kasubo, kaguol, ug kahigawad; dad-on gyod nato sa Ginoo ang atong mga problema ug sultian Siya bahin niini; Siya ang labing maayong mamiminaw; nasayod Siya sa atong gibati, ug nisimpatiya Siya sa atong kasingkasing; makahupay ug makatabang Siya nato.
- B. Makaamgo gyod unta ta nga kon duna tay maayong pakigsultianay sa Ginoo ug ibubo ang atong kasingkasing Kaniya, moabanteg usa ka lakang ang pagkasuod nato sa Ginoo, ug labi pa tang makaila Niya; ang suod nga pakigkontak nato Kaniya ning mga panahona gatosan ka pilo pa kamaayo kaysa ordinaryong pakig-ambitay nato Kaniya; pinaagi man ning mga pagkontaka nga motubo ta sa kinabuhi—Sal. 62:6-8; 56:8; itandi sa 1 Sam. 1:15.
- C. Kon wala pa sukad makapatulo og luha ang tawo atubangan sa Ginoo, wala pa sukad mopaambit sa Ginoo sa iyang kalipay o kasubo, ug wala pa sukad makigsultianay sa Ginoo kalabot sa pribadong mga butang niya, wala pa siya sukad makapakig-ambitay sa Ginoo sa suod gyod, ug wala pa siya sukad makaila sa Ginoo sa lalom nga pagkaila; masuod lang ta sa Ginoo pinaagi sa pagsulti nato Kaniya sa tanang butang.
- D. Mosimpatiya Siya sa tagsatagsa ka problema nato; andam nga mopas-an sa tanan natong kabalaka ang Ginoo, ug malipay Siyang maminaw sa atong isulti; aron makapahimulos ta Niya nga buhing tubig sa kinabuhi, sultian gyod nato Siya nga espirituhanong bato nato—Num. 20:8; 1 Cor. 10:4; Exo. 17:6; *Mga Alawiton, #248*.
- E. Niingon ang ulohan sa Salmo 102 nga, “Pag-ampo sa tawong gisakit, sa dihang naluya siya ug gibubo ang iyang gimulo sa atubangan ni Jehova”; magmulo tingali ta sa Dios, apan ang pagmulo nato mao tingali ang labing maayong pag-ampo, ang pag-ampong labing makapahimuot sa Dios; samtang nagmulo ta, nagkalipay ang Dios kay gihimo man Niyang masigkatabang ang tanang butang alang sa ikaayo aron masama ta sa dagway sa Iyang Anak—Rom. 8:28-29.
- F. Rekord ang Salmo 73 sa matinud-anong pag-ampo sa salmistang matinguhaon nga kapandolon na tungod sa kaugalingon niyang pag-antos ug sa pag-uswag sa mga daotan; giisip niya nga kawang ang pagputli niya sa iyang kasingkasing tungod kay imbis magpahimulos og materyal nga pag-uswag, gihampak siya sa tibuok adlaw ug gikastigo matag buntag—vv. 12-16:
 - 1. Nakaplagan sa salmista didto sa balaang puluy-anan sa Dios ang sulbad sa kalibog niya kalabot sa pagkamauswagon sa mga daotan (v. 17); una, naa sa atong espiritu ang balaang puluy-anan sa Dios, ang gipuy-an Niya (Efe. 2:22)

ug, ikaduha, kini ang iglesia (1 Tim. 3:15); ang pagsulod nato sa balaang puluy-anan sa Dios pagliso man nato sa atong espiritu ug pagtambong sa mga tigom sa iglesia ug sa mga tigom sa ministri; diha sa atong espiritu ug sa iglesia mapadaygan ta sa diosnong pinadayag ug makabaton og katin-awan sa tanan natong problema.

2. Tungod sa matinud-anong pakigsultianay niya sa Ginoo ug sa pagsulod niya sa balaang puluy-anan sa Dios, sa kapulihay nahayagan sa Ginoo ang matinguhaon Niya hangtod nga nakaingon siya nga, “Kinsa may ako sa langit kondili Ikaw ra? / Ug wala koy laing gitinguha dinhi sa yuta gawas Nimo. / Naluya ang akong unod ug ang akong kasingkasing, / Apan ang Dios mao ang dakong bato sa akong kasingkasing ug ang akong bahin hangtod sa hangtod”—Sal. 73:25-26.
3. Ang tuyo sa Dios sa mga matinguhaon Niya mao nga makaplagaan nila ang tanan diha ni Cristo ug dili malinga gikan sa hingpit nga pagpahimulos kang Cristo; ang kinataposang tinguha sa Dios sa Iyang pamatigayon mao nga ikinabuhi, ipadako, ug batonan nato si Cristo aron mahimaya Siya diha sa iglesia—Fil. 1:19-21a; 3:7-8; Isa. 43:7; 1 Cor. 10:31; 6:20; 1 Ped. 4:11; Efe. 3:16-21.